



# QVÆSTIO PHYSICO-MEDICA

AN SICCVS AER SIT HVMIDO SALVBRIOR.

AUSPICIIS

PERILLVSTRIS ET REVERENDISSIMI DOMINI

D. PHILIPPI DE TULLE

Canonici Ecclesiæ Metropolitanæ,  
Vniversitatis Avenionensis Primicerij,  
Rectoris, Iudicis, & Privilegiolorum Conservatoris.

PRO BACCALAUREATU.

**A**ER, ut vitæ, sic sanitatis, morborumque præcipuus author, corpus est fluidum, perlucidum, grave densari, & resistere aptum, auditori, tactuique obviu; ex duplici partium genere potissimum coalescit aliis crassioribus, tenuioribus aliis; crassiores non modò effluviu ab omnigenis ferè corporibus, jugiter dimanantiu proveniunt, sed corpusculorum etiam peculiari textu & figurâ, primo reru ortu conditoru feriet, tenuiores verò motu velocissimo, crassioribus vim diffundendi, lumenque transmittendi imperiuntur; ab intestinâ subtilioru illarum partium agitatione, & aptâ crassioru configuratione, aeris vis resistendi deducitur, cuius immensa propè efficacia, mirè elucescit in vesicâ ferè inani, vacuo boyliano imposita quæ aeris intus coerciti & rarefacti nisu, pondus quinquaginta & amplius attollit; diversa porò aeris indoles à vario ejusdem motu, & advenientibus è terraquo globo expirationibus; hinc modò gravior, modò levior, hinc subtilis, illic densus & concretus, nunc siccandi, nunc madefaciendi potestate præditus, ingenio tamen proclivior ad siccandum, & nimio tantum guttularum aquarum interfectu humidus evadit; ejusdem pondus, aut elasticitas, ex halituum quibus refertur copiâ dimetiri, par non est, hæ enim ambæ proprietates, flante Borrà majores, Austro spirante minores, Barometro teste, undè colligere est vim elasticam siccâ tempestate roborari, humidâ verò &

**A**ERIS porò ad vitam necessitatem, qui spirare semel incipit, novit, illius usu carere, non modò nequeunt animalia perfecta, sed impernatura parens, ut insecta, conchyliâ, foetus in utero, aut in ovo conclusus, ipsaque vegetabilia; quibus idè singulis propria fabricavit organa internas partes appulsu animalium corpora afficit aer; alimentis permixtus deglutitur, & ad chylosum non est inutilis, sanguinis circuitum, nec non motum intestinum à quo vita fovetur producit; corporis ambitum, omni ex parte comprimendo, per eam regionem cruoris circuitum provehit, functionibus insuper nonnullis famulatur, secum enim odores ad nares deferit, & auris labyrinthum intimè pervadens, tympani extrinsecus verberati modulationes excipiens principi auditus organo representat, &c.

**C**UM igitur ex supradictis tanta sit aeris necessitas, non mirum si pro variis quibus donatur proprietatibus, tot & tantas subeant corpora multarum, modò prosperâ, nunc adversâ fruiatur valetudine, pro diversâ scilicet constitutione aeris siccâ, aut humidâ ad illas enim duas hæc potissimum qualitates, varias quibus aer donatur, reducere placet; siccus aer, ut potè ad resiliendum aprior, fibras corporis firmit, meatus aperit, humores superfluos exhaurit, & fermenta acuit, celerius in pulmones delabitur, & implicitos ejusdem anfractus penetrat & recludit, hinc vividior sanguinis motus, & vegetiores spiritus, animusque ad sua munia promptior, alacriorque exurgit.

**H**UMIDUS aer è contrâ quàm sit valetudini noxiu, facillè quivis, perspectâ ipsius naturâ, intelligit, corpori enim gravitatem inducit, in Pulmones ægrè delabitur, ibique cunctantem sanguinem, segrotat ad circulationem abolendam impellit, stimulatque, undè laboriosa respiratio, & exhalantium humidarum particularum in sanguine retentio, undè sanguis minus vegetus, effecti spiritus & languidum universum corpus: oburatis insuper ab humidâ colluvie cutis spiraculis, insensibilis transpiratio præpeditur, obrunditur fermentorum intus latentium vigor igitur aliquam suæ sanitatis rationem duxerit, is siccum & sincerum aerem, in locis mediocriter editis, & insolaris, ac aurâ suavi perflatis, seligat humidum verò qualem efficere solent austrina constitutio, maris, majorumque fluviorum vicinia, solum stagnis & paludibus scatens, humile, egregias siccæ aeris dotes secum reputans, lubens nobiscum concludit.

Ergo siccus aer humido salubrior.

Has Conclusiones, Deo dante, & auspice Dei-Para. Præsiede Illust. ac Nob. D.D. IOANNE BAPTISTA GASTALDY Regis Consiliario, & Medico Ordinario, almaque Facultatis Medicina Professore Primario & Botanico. Tuebitur Nob. D. SIMON PHILIBERT Valreacensis, Diæcesis Vassonensis, Artium Magister & jam dudum Medicina studiosus. Die 23 Aprilis 1714. Hora septima matutina.

AVENIONE, Apud FRANCISCUM MALLARD, Bibliop. & Typog. Illust. & Excel. PROLEGATI, Illust. ARCHIEPIS. & UNIVERSITATIS 1714.